

PEMAHAMAN

A. Baca petikan di bawah dan fahami.

Beli siakap berkati-kati,
 Dekat dengan Tanjung Kota;
 Amal sikap hormat-menghormati,
 Tentu hidup tiada sengketa.

Bunga mawar bunga cempaka,
 Lepas dikerat diikat-ikat;
 Sopan santun jadi budaya,
 Hubungan erat tambah berkat.

Dalam kali ikan seluang,
 Berenang-renang berkawan-kawan;
 Suka berdengki mesti dibuang,
 Kelak kita bertambah kawan.

Ikan siakap harganya tinggi,
 Masak dengan paku pakis;
 Tanamkan sikap hemah tinggi,
 Meninggi diri dapat dikikis.

Sungguh busuk bau bangkai,
 Tersimpan lama dalam baldi;
 Biar buruk kain dipakai,
 Asal hidup pandai berbudi.

Bina kota di tepi lombong,
 Kota dibina tinggi ke awan;
 Usahlah kita bersikap sombong,
 Dipulau orang tiada berkawan.

Pagi-pagi menanam halia,
 Tanam pula di tepi laman;
 Bantu-membantu sikap mulia,
 Eratkan hubungan sepanjang zaman.



Unit

Jawab soalan di bawah. Berdasarkan petikan yang telah kamu baca tadi.

1. Mengapakah kita digalakkan saling menghormati?

- a. Supaya kita dapat membalas budi
- b. Agar kita hidup aman tenteram
- c. Agar tidak dihina kawan-kawan

2. Berikut adalah kesan orang yang sering mengamalkan sikap bersopan santun kecuali....

- a. Dihormati kawan
- b. Disayangi kawan
- c. Disisihkan kawan

3. Simpulan Bahasa yang sesuai dipadankan dengan sikap suka berdengki ialah

- a. Busuk hati
- b. Besar hati
- c. Panas hati

4. Mengapakah kita tidak digalakkan mengamalkan sikap suka berdengki?
- a. Sikap ini akan menyebabkan orang yang tidak suka berkawan dengan kita
 - b. Kawan-kawan akan mempergunakan diri kita
 - c. Kita tidak akan dapat belajar daripada kesilapan yang kita lakukan.
5. Bagaimanakah perasaan sombong dapat kita hapuskan daripada diri kita?
- a. Dengan mengamalkan sikap budi pekerti yang tinggi
 - b. Dengan menanam sikap Amanah terhadap diri sendiri
 - c. Dengan merapatkan hubungan dengan anggota masyarakat
6. Apakah faktor yang menyebabkan manusia akan dipandang hina?
- a. Tidak perkasa
 - b. Tidak meninggikan diri
 - c. Tidak berbudi pekerti

7. Senaraikan tujuh nilai murni yang dinyatakan dalam ketujuh-tujuh rangkap pantun yang anda baca tadi.

- a. _____
- b. _____
- c. _____
- d. _____
- e. _____
- f. _____
- g. _____

8. Tulisakan 2 pengajaran yang terdapat di dalam syair di atas.